



01-50-1
-50-1
[Signature]

Broj: 05-50-1-1216/14
Sarajevo, 30.6.2014. godine

PARLAMENTARNA SKUPŠTINA BiH

- Zastupnički dom -

SARAJEVO

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 01-07-2014			
Organizacijska jedinica	Klasifikacijska oznaka	Redni broj	Broj priloga
01-50-1-15-65/14			

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 102. sjednici održanoj 25.6.2014. godine, utvrdilo je Odgovor na zastupničko pitanje koje je postavio Beriz Belkić, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša




**BOSNA I HERCEGOVINA
VIJEĆE MINISTARA**

Broj: 05-50-1-1216/14
Sarajevo, 25.6.2014. godine

Beriz Belkić, poslanik u Predstavničkom domu Parlamentarne skupštine Bosne i Hercegovine, na 65. sjednici Predstavničkog doma održanoj 15.04.2014. godine, postavio je Vijeću ministara Bosne i Hercegovine pitanje slijedeće sadržine:

„Da li je Vijeće ministara definitivno odustalo od predlaganja zakona vezanih za državnu imovinu i ako jeste zašto?“

Na postavljeno pitanje Vijeće ministara Bosne i Hercegovine je na 102. sjednici održanoj 25.6.2014. godine, utvrdilo slijedeći

ODGOVOR

Vijeće ministara Bosne i Hercegovine je na svojoj 39. sjednici, održanoj 18.02.2013. godine donijelo Odluku o formiranju Radne grupe za rješavanje pitanja državne i vojne imovine („Sl. glasnik BiH”, broj 19/13) u sastavu Bariša Čolak - ministar pravde, Sredoje Nović - ministar civilnih poslova i Damir Hadžić - ministar prometa i komunikacija. Odredbom člana 3. navedene Odluke utvrđen je zadatak Radne grupe za rješavanje pitanja državne i vojne imovine (u daljem tekstu: Radna grupa), na način da, u skladu sa ranije utvrđenim principima raspodjele državne i vojne imovine, predloži Vijeću ministara Bosne i Hercegovine način rješavanja navedenog pitanja.

U cilju realizacije navedenog zadatka Radna grupa je održala šest zvaničnih sjednica, te više konzultativnih sastanaka, na kojima su detaljno razmatrana pitanja i dileme vezane za problem državne i vojne imovine, te je konačno, kao rezultat navedenog rada, sačinjen Nacrt Zakona o državnoj imovini (u daljem tekstu: Nacrt zakona), koji su članovi Radne grupe usaglasili na svojoj 6. sjednici održanoj 23.10.2013. godine. Nakon procesa pribavljanja mišljenja nadležnih organa uprave, usaglašeni tekst Nacrta zakona je dostavljen Vijeću ministara Bosne i Hercegovine na razmatranje i usvajanje.

Nakon toga, u nekoliko navrata je planirano da se na dnevnom redu sjednice Vijeća ministara Bosne i Hercegovine razmatra usaglašeni Nacrt zakona, međutim isti, zbog različitih razloga, nije bio predmet razmatranja. Nakon toga, od strane ministra Hadžića, kao jednog od članova Radne grupe, ostalim članovima Radne grupe je dostavljen novi tekst

Nacrta Zakona o državnoj imovini, koji u određenim dijelovima odstupa od teksta usaglašenog i Vijeću ministara upućenog Nacrta zakona.

S obzirom na naprijed navedeno, imajući u vidu da više ne postoji saglasnost članova Radne grupe oko dostavljenog teksta Nacrta zakona Vijeće ministara je na svojoj 89. sjednici održanoj 04.04.2014. godine donijelo zaključak da se Nacrt zakona dostavljen od strane Radne grupe povlači iz dalje procedure razmatranja i usvajanja na Vijeću ministara Bosne i Hercegovine.

Vezano za naprijed navedenu problematiku podsjećamo da je pitanje državne imovine jedno od najsloženijih političkih pitanja u Bosni i Hercegovini čije se rješenje pokušava naći od 2004. godine; da se radi o prvom od pet uslova koji se trebaju ispuniti da bi došlo do okončanja misije Ureda visokog predstavnika; da dva predložena Nacrta zakona o državnoj i vojnoj imovini koja su razmatrana u Parlamentarnoj skupštini Bosne i Hercegovine nisu dobila potrebnu većinu; kao i da trenutno niti članovi Komisije za državnu imovinu, niti članovi Radne grupe nisu u mogućnosti postići konsenzus oko jedinstvenog teksta Nacrta zakona. I pored svega, Vijeće ministara Bosne i Hercegovine će učiniti dodatne napore kako bi se ovo značajno pitanje za sve građane Bosne i Hercegovine konačno uspješno riješilo.